

SINLAI 11: 1 Kor. 12:12-27

THUPI

Pumpi a kipan Sinsakna

TANGVOM: 12:27

*Huchi in noute Khrist
pumpi na hi ua, a hiangte
na hi chiat lai uhi.*



TUNI SINLAI DING: 1 KOR. 12:12-27

12. Pumpi i chih khat ahi a, hiang a nei a, pumpi hiangte tengteng tam mahle uh, pumpi khat ahi a; Khrist leng huchi bang mah ahi. **13.** I vek un pumpi khat a om ding in Kha khat a baptis in i omta ua, Judate hiam, Grikte hiam, sikha hiam sikha lou hiam; huan i vek un Kha khat a kipan dawnsak in i omta uhi. **14.** Pumpi i chih hiang khat kia hilou in tampi ahi zaw hi. **15.** Khepek in, “Khut ka hihlauh ziak in pumpi a pang ka hi kei,” chileh, huai thu ziak in pumpi a panglou ahi tuankei hi. **16.** Huan bil in, “Mit ka hihlauh ziak in pumpi a pang ka hikei,” chileh, huai thu ziak in pumpi a pang lou ahi tuankei hi.

TUNI SINLAI DING: 1 KOR. 12:12-27

17. Pumpi tengteng mit hivek ta leh gingzakna koiah a om dia? Avek in gingzakna hitaleh, gimzakna koiah a om dia? **18.** Himahleh Pathian in hiang khempeuh pumpi ah a utna peuh ah a omsak chiatta hi. **19.** Huchi in huai tengteng hiang khat kia hileh pumpi pen koiah a om dia? **20.** Himahleh hiang tampi ahi zaw uh, himahleh pumpi khatkia ahi. **21.** Huan mit in, khut kiang ah, “Bangmah in ka hon deihkei,” a chi theikei; lu in leng khepekte kiang ah, “Bangmah in ka hon deihkei,” a chi thei samkei hi. **22.** Huchih naksang in, pumpi hiang hat dia kilawmlou pente a kiphamoh zaw mahmah uhi.

TUNI SINLAI DING: 1 KOR. 12:12-27

23. Huchi in pumpi hiang pahtawi thamlouh zaw a i sehte, huaite ngei i pahtawi zaw uhi; huan i hiang kilawmloute'n kilawmna thupi zaw a muzel uhi. **24.** I hiang kilawmte'n bel huchi bang a hih a kiphamoh kei uhi. Pathian in, kilawmna neilou hiang pahtawi zawk ding in, pumpi a lemkhawm hi. **25.** Huchi a pumpi a kikhenna omlou a, a hiangte'n kibangtak a a kibuaipih tuah theihzawk na ding un. **26.** Huchi in hiang khat in a thuak leh hiang tengteng in a thuakpih a, hiang khat pahtawi a a omleh hiang dangte'n a kipahpih zel uhi. **27.** Huchi in noute Khrist Pumpi nahi ua, a hiangte nahi chiat lai uhi.

ETKIKNA & ETLAWKNA

■ *Sinlai 10 Etkikna:*

• **Khalam Thilpiak toh kisai:**

- A petu khat ahih dan.

- Saptuam kipumkhat nang leh kilamtouh nang a zat ding a Toupa'n hoih a sak bang a a hawm.

■ *Sinlai 11 Etlawkna:*

Saptuamte Khrist sapum a hiang tuamtuam, poimohna kibang vek ihihdan.

I. PUMPI KHAT, HIANG TUAMTUAM IHI: 12-14

12. *Pumpi i chih khat ahi a, hiang a nei a, pumpi hiangte tengteng tam mahle uh, pumpi khat ahi a; Khrist leng huchi bang mah ahi. 13.* *I vek un pumpi khat a om ding in Kha khat a baptis in i omta ua, Judate hiam, Grikte hiam, sikha hiam sikha lou hiam; huan i vek un Kha khat a kipan dawnsak in i omta uhi. 14.* *Pumpi i chih hiang khat kia hilou in tampi ahi zaw hi.*

- Hiai a **pumpi** kigen = **saptuam (a lutang Khrist)**.
- **Pumpi khat a om ding a Kha khat a baptis a om:** pau tuamtuam, nam tuamtuam, mimal tuamtuam, hihtheihna tuamtuam, a hau a zawng... **PUMKHAT** hihna!

II. HIANGTE POIMOH VEK IHI: 15-17

15. *Khepek in, “Khut ka hihlough ziaak in pumpi a pang ka hi kei,” chileh, huai thu ziaak in pumpi a panglou ahi tuankei hi. **16.** Huan bil in, “Mit ka hihlough ziaak in pumpi a pang ka hikei,” chileh, huai thu ziaak in pumpi a pang lou ahi tuankei hi. **17.** Pumpi tengteng mit hivek ta leh gingzakna koiah a om dia? Avek in gingzakna hitaleh, gimzakna koiah a om dia?*

- Pumpi hiangte a **function** uh kibang kei mahleh, a omna mun chiat uah a **poimoh dan** uh kibang hi. A poimoh zaw leh a simmohhuai chihte om theilou hi.
- Tua bang in, **EBCC Mumbai** pen **Khrist pumpi** (body) hi a, Amah a **lutang** ahi. Nang leh kei hiai **pumpi hiangte** ihi.

III. PATHIAN IN HOIH A SAK NA CHIAT AH: 18-20

18. *Himahleh Pathian in hiang khempeuh pumpi ah a utna peuh ah a omsak chiatta hi.* **19.** *Huchi in huai tengteng hiang khat kia hileh pumpi pen koiah a om dia?* **20.** *Himahleh hiang tampi ahi zaw uh, himahleh pumpi khatkia ahi.*

- Mihing pumpi leh a hiangte kilepdan pen Pathian in hoih asak bang a a bawl ahi. Saptuam leng huai bang ahi.
- Hiang bukim nei tuh pumpi bukim ahi. Hiang khat kia khawng omleh buaihuai mahmah ding hi. Saptuam leng...
- Pumpi tuamtuan a hiang vahih theihlauh ahih bang in, pumpi khat a hiang ihih ding ahi.

IV. HIANGTE KIPOIMOH TUAHVEK IHI: 21-22

21. *Huan mit in, khut kiang ah, “Bangmah in ka hon deihkei,” a chi theikei; lu in leng khepekte kiang ah, “Bangmah in ka hon deihkei,” a chi thei samkei hi.* **22.** *Huchih naksang in, pumpi hiang hat dia kilawmlou pente a kiphamoh zaw mahmah uhi.*

- Mihing pumpi a hiangte kipoimoh tuahvek ding a siam ahi.
(Eg. Brain needs parts; parts need brain)
- **“Ka hon poimoh kei”** chi thei omlou. (Mit-khut, lu-khepekte)
- Poimoh lou leh phatuam lou i sak pente a poimoh pente ana hi nuam mahmah hi (tal).

V. A SIMMOHHUAI TUAM OMLOU: 23-24

23. *Huchi in pumpi hiang pahtawi thamlouh zaw a i sehte, huaite ngei i pahtawi zaw uhi; huan i hiang kilawmloute'n kilawmna thupi zaw a muzel uhi. 24.* *I hiang kilawmte'n bel huchi bang a hih a kiphamoh kei uhi. Pathian in, kilawmna neilou hiang pahtawi zawk ding in, pumpi a lemkhawm hi.*

- Korinth saptuam ten a thilpiak tante uh khenkhat simmoh leh nuai et uh hikha ding hi.
- Huai ding ahihlouh dan genna in Paul in pumpi hiang kilawmlou a sehte a poimoh pen leh kephoih pen a om hizaw ahihdan gen hi. (pumpi sunglam a hiangte + zahmoh thilte). Saptuamte laka thilpiakte a niamtuam omlou hi.

VI. AZIAK-ASAN KICHIAN OM A SIAM: 25-26

25. *Huchi a pumpi a kikhenna omlou a, a hiangte'n kibangtak a a kibuaipih tuah theihzawk na ding un.* **26.** *Huchi in hiang khat in a thuak leh hiang tengteng in a thuakpih a, hiang khat pahtawi a a omleh hiang dangte'n a kipahpih zel uhi.*

■ The purpose for such a design:

1. Kikhen lou a, kibuaipih tuah (ki patauhpih) zawk na ding.
2. **Ki chimat-pumkhat na ding:** khat in a thuak leh a dang tengteng inle thuak.
3. **Ki pahtawi-hanthawn tuah ding:** khat pahtawi a a omleh a dangte'n kipahpih. | **Nopna-le-dahna a pumkhat**

THUKHITNA: 27

27. *Huchi in noute Khrist Pumpi nahi ua, a hiangte nahi chiat lai uhi.*

- Khrist a lutang; eite a pumpi ihi. Kipumkhat a panghawm ding, poimohdan leh manphat dan kibang ngen ihi.
- Cross-Cultural saptuam ihi. Himahleh Khrist a pumpi khat ihihtak man in i kibatlouhnate i muh pailet hunta hi.